

茅

山

志

水樂重刻茅山志卷數

此七卷乃張文魚藏本所有較予舊藏元刻本卷數彼此互有，無

卷一上

卷二下

卷四

卷五

卷六

卷七

卷八

卷一上卷二下元刻五十五板

卷三至卷七水樂刻六十一板

卷八至卷九元刻二十四板

缺之四五六七卷

圖出者余藏本所有

卷十三元刻三十五板

凡元刻元印百十三板水樂刻之五板

缺十二十三十四十五

十六

十七

余藏本之缺

十三卷元初有

補抄卷十三至二十六板

卷三十四至四十六板凡抄補百六板

六硯齋筆記茅山舊志

前元四十五代宗師

劉大彬編

白曲外史張伯雨手書刻之甚精國初燬於火

白曲外史張伯雨手書刻之甚精國初燬於火

據六硯齋筆記此本的  
屬句曲外史手寫付梓  
者雜書先片羽元宜珍首  
卷二 卷五 卷九 卷十 卷十一 卷十三

元板茅  
小志  
卷七

茅山志序

皇慶改元

制賜茅山四十五代宗師劉大彬洞觀微妙玄應真人後五年  
褒封三茅真君徽号各加二字曰真應曰妙應曰神應仍  
勅三峯為觀曰聖祐曰德祐曰仁祐明年傳壇之玉印久湮  
至是復出有司上其事奉

旨嘉畀本山於是

漢渥沓臻靈寔挺瑞神人以和凡經籙棟宇百廢之宜飭治  
繕完者宗師得以悉其心力焉又病夫山志前約而後闕也  
乃囑諸入室弟子彙集成書來徵予序閱其所載

詔誥之隆仙真之異洞府之邃壇籙之傳人物之偉樓觀之  
盛山水之清草木之秀碑刻之紀題詠之工莫不眇分類析  
粲然大備按茅山本句曲山第八華陽洞天第一地肺福地

漢茅君昆季栖遁餐晨于此山曰氏茅迨晉魏元君大暢厥緒真風靈蹟綿延鬱為寰宇之名山神靈之區輿也皇元治尚清靜自版圖歸職方氏主壇席者徵至闡下優降

重書金湯其教至宗師始顯被

恩數度越前躡於戲懿哉蓋山川之氣發舒於休息既久亦宗師之道行外聞竅通之妙其在斯乎顧山志不可不輯而丕既不可无述也昔唐玄宗問理化於李玄靜玄靜對曰道德經君王之師也漢文帝行其言仁壽天下又諮以金鼎曰道德公也輕舉公中之私耳後之人盍體玄靜之格言踵宗師之誠感則庶幾休應是又可續志與茲山為无窮也秦定甲子日南至集賢大學士光祿大夫西秦趙世延序

欽准

皇元之有天下也首崇清靜之道以開泰平之基是以方外  
祠臣特蒙簡注恩輝煇焯表章山林若不著為成書後世何  
以考見顧余斯語名山實聞至大庚戌予以紀事至茅山因  
閱其山之舊志遺闕甚多嘗以語之四十四代宗師牧齋王真  
人未幾真人傳真山志无所聞後五年復祀其山又以語之  
嗣宗師劉真人又三年為泰定丙寅

今天子用故事醮其山予實代禮始獲覩其成書凡十有五  
卷自漢晉而下及齊梁唐宋之書搜括无遺噫何其詳哉其  
首篇曰誥副墨則

國朝所封三真君制詞三峯觀賜額勅書具在皆予所奏請  
者其末篇曰雜著則有

仁皇用先開府張公所奏還賜玉章始末嗚呼是書前後凡

二十年始成仙靈誠有所待耶不然

國朝褒封錫額還賜玉章諸異恩又將補闕拾遺於成書之後作者不无憾焉平章趙公既為之序子嘉是書之傳有益斯道而予言之勉成者不徒然也故為之書

泰定丁卯春正月特進上卿玄教大宗師吳全節序

茅山志叙錄

句曲有記尚矣宋紹興二十年南豐曾恂字仲雅臺道士傳  
霄子昂脩山記四卷所書山水祠宇粗錄名号而已考古述  
事則猶略焉大彬登壇一紀始克脩證傳宗經錄又五載而  
成是書凡十二篇十五卷題曰茅山志載惟茲山稟靈異於開  
闢之初應帝王於虛无之表夏禹巡幸秦始登崇漢元壽三  
年太帝九錫茅君曰日神仙其名益大顯于天下及晉宋經  
道之興梁唐尊尚之薦真人道士代為帝者師龍文鳳札積  
如雲霞慨乎年世曠邈重書罕存追錄見聞百餘一二洎我  
皇元混一區宇

母祖聖德神功文武皇帝首降

明詔名嗣宗師蔣君宗瑛詣闕繇是

累朝大護其教迺延祐三載加号三君改觀三峯光掩前古

聖人以神道設教有自來矣作誥副墨第一

加封明詔若曰茲山之靈以氏為号茅君真霄蓋先傳焉按登  
真隱訣真傳列列聖道君稱紀餘真稱傳夫以三茅秦漢道  
君今日下土仰述聖蹟何得稱傳作三神紀第二金壇華陽  
洞天金陵地肺福地桐柏真人所謂養真之福境成神之靈  
墟雖百世可知也集諸山水洞穴作括神區第三觀方平海中  
揚塵之論今威華表去家之語是知仙聖按行民間亦嘗咄  
咄古今之異玄蹤所在不与陵谷遷變者幾希作稽古蹟第四  
上清經法下教出世始晉興寧二年紫虛魏元君降授瑯琊王  
公府舍人楊君作繚字寫出以傳護軍長史許君父子其圖錄  
秘非盟晚不傳今疏篇目使學真之者略見曉焉書論附名  
其左作道山冊第五初元始七傳而至紫虛自紫虛積于今四  
十五代苟非其人道不虛行河東柳識故方道門華陽亦儒門

涿泗作上清品第六蜀向去天有神司仙人充之洞宮官僚自  
真誥玄通記傳出時運變易應有速補譬如周禮漢儀不復  
相同神道幽遠非世所知作仙曹署第七山源曲而有容高南  
求志之士栖遁其間不可殫紀所采古今卓行之著明者若  
夫深晦无為潛升景景則曷得而名作采真將第八魏晉六  
朝館宇散居林麓唐宋始勅改宮觀之盛奉祠祝

釐此其地也作樓觀部第九丹砂寶氣金玉華津人脈之而  
引年易質其漬潤積久發於芝英草木神異而靈長信物  
理之固然作靈植檢第十碑銘書刻載道之舟車也真人手  
澤猶得模楷而立德立功立言者文亦在茲乎作錄金石第十  
古人采詩盖有闡名教山中賦詠散逸既多此皆絕妙好辭足  
麗於飛空謠歌之末作金薤編第十二終焉是志之作不問今  
昔一行一言錄其至善其或傳事謠諠撰辭蕪惡

如指桓記一  
之屬无

所取非脫遺也於戲太史公稱天下名山南華稱博大真人若  
句曲無二者蓋千數百年纂懿流光未有若斯之盛者也後  
之學士无狹其所居无厭其所生无小无大壹是皆以清靜  
為本尚有徵於斯文哉

大元天曆元年歲在戊辰十二月二日嗣上清經籙四十五代  
宗師洞觀微妙玄應真人劉大彬序

茅山志誥副墨第一篇上卷之第一

漢詔誥

齊梁詔誥

唐詔誥

茅山志誥副墨第一篇下卷之第二

宋詔誥

大元詔誥

茅山志三神紀第二篇卷之第三

茅君真胄

茅山志括神區第三篇卷之第四

山岡隴附

水

洞

岩穴附

石磴橋亭

茅山志稽古蹟第四篇卷之第五

壇井池臺

茅山志道山冊第五篇卷之第六

道經

圖錄

道書

茅山志上清品第六篇卷之第七

聖師七傳

宗師四十五傳系代虛其左方

茅山志仙曹著第七篇卷之第八

男真

女仙

茅山志采真游第八篇卷之第九

高士

女官

茅山志樓觀部第九篇卷之第十

宮觀

山房

菴院

茅山志靈植檢第十篇卷之十一

神芝奇藥

名水異卉

茅山志錄金石十一篇上卷之十二

梁碑

唐碑

茅山志錄金石十一篇下卷之十三

宋碑

大元碑

茅山志金薤編十二篇上卷之十四

齊梁詩

唐詩

茅山志金薤編十二篇下卷之十五

宋詩

大元詩

雜著終

茅山志詔副墨第一篇上卷之第一

上清嗣宗師劉大彬造

詔

漢哀帝元壽二年太歲庚申八月十八日己酉

天皇大帝授茅君九錫玉冊文

惟盈虛挺遠朗幽耽妙玄爰自童蒙徹髮北山靜心林澤積  
思求神登峻履谷艱尋師門擲形絕寧投軀万津丹誠率往  
肆其天然遂造明匠迺受靈篇翦髮視瞻殘首截身帶索自  
樂不恥飢寒所適唯道所保以真情昭上帝感激太玄今敬  
授盈位為太元真人領東岳上卿司命神君

君平心格正秉操金石丹心縞衆栖神高暎今故報以玉錢  
綠旌八威之禁使征伐邪源折衝萬神共一君寒凍林谷味  
玄仰真思激窮由慈心精誠今故報以紫髻之節藕敷華冠

使君拾駐千靈封山名雲

其二

君棄家獨往離親樂仙契潤

嶽試冬裡山川今故報以繡羽紫帔丹青飛席使君從容霄

階携命玉真

其三

君步驟林藪履危仞心耽志尚曾不憊

憊今故報以斑龍之輿素席之軒使以浮宴太空飛輪帝庭

其四

君披榛併景寒露霜雪心求明真不戰不慄今故報以

曲晨寶蓋瓊闈綠室使游盼九宮靜神溫密

其五

君遠遁秀

榮无疲於心潛形幽岳精思万林今故報以執神流火覆珠

月明可以上聞太極通音上清

其六

君貞心高靜淫累不經

素挺皓暎内外坦平今故報以錦旌繡幡白羽玄竿可以呼

召六陰玉女侍軒

其七

君慈向卑物陰德万生蠢動之毛皆

念經營今故報以鳳鸞之脯金鐘玉磬可以和神虛館樂真

粹靈

其八

君飢渴養神艱辛求真万物不能致其惑干邪不

能毀其淳今故報以紫琳之腴玉潔金罍可以壽同三光刻

簡丹璫也

其九

君標領清玄紫緋八昧心暉重離神曜太霞

實真人之長者故以太元為号九德既備積感太微天人虛  
因不期同歸今酬九事以報往懷君心神方朗四靈所極丹  
真燄煥秉直不回正任全固鑒无照徹今屈宰上卿檢括東  
岳又加司命之主以領錄圖籍給玉童玉女各四十人以出  
入太微受事太極也治宮赤城玉洞之府盈其蒞之動靜以  
聞

永始三年歲在丁未

太上遣寶紫素之書箒中君文曰

太上有命天真書言咸陽茅固家于南關厥字季偉受名當  
仙位為定錄無統地真使保舉有道年命相關勤恭所蒞四  
極法全宮館洞臺治丹陽句曲之山固其勗之動靜察開

紫素箒中君文曰

盈固弟秉挺素該清雖晚及正思徹徹誠斷截六天子額標  
明今屈司三官保命達名揔括誠宗領死記生位為地仙九  
宮之英勸教童蒙開導方成教訓女官授諸妙靈治法百鬼  
典崇枝精關察水炁江河流傾封掌金谷藏錄玉椽監植龍  
芝洞草夜光治良常之山帶北洞之口鎮陰宮之門秉其勉  
之動靜以聞

右文梁普通三年刻石華陽南洞九錫碑見錄金石篇

齊梁詔語

表奏附

齊武帝卷陶隱居入山語

卿造累卻粒尚想清靈山中閒靜得性所樂當善遂嘉志也  
若有所須便可以聞仍賜帛十疋燭二十挺

又別勅

朕月給上拔苓五斤白蜜二斗以供服餌

隱居解官表

臣聞堯風冲天顓陽振飲河之謠漢德括地商陰峻餐  
芝之氣臣拙遲早日簪帶久年仕豈留榮學非待祿恒  
思耕纓象關孤耕龍下席月澗門橫琴雲際始奉中恩  
得遂丘壑今便減景往庭神支松友一出東關故鄉就  
望樂言興念臨波瀉渡臣舟棹已過無緣躬詣不任攀  
戀之誠謹奉表以聞

梁武帝書林隱居論書

近二卷欲少留差不為異紙卷是出裘書既須見前所以付耳元正可取簡於此及欲更須細書如論箴例逸少書无甚極細書樂毅論乃微兼健恐非真蹟太師藏小復方矚筆力過嫩書體乖異二者已經至鑿此外便无可付也

隱居與武帝論書表

奉旨左右中書復稍有能者惟周喜贊夫以舍心之黃實伺矣鍾吐氣今既自上體妙為下理用成工每惟中鍾王論於天下進藝方興所恨臣沒朽不能鑽仰高深自謙歎慕前奉神筆三紙并今為五非但字字注目乃畫畫抽心目覺勁媚轉不可說以酬昔歲不復相類正此即為楷何復多尋鍾王臣心本自敬重今者弥增愛服俯仰愧豫不能不以感適伏蒙二卷伏覽標帖皆

如聖自既不顯垂允少留不能久停已就摹索者一段未畢不赴今信紙卷先已經有兼多他雜无所復取亦請伺俱了日奉送燕此諸書是篇章體臣今不辨復得脩習惟願細書如樂毅論太師箴例依倣以寫經傳永存冥顯中精要而已

再卷後跋

又省別疏去故當宜微以著賞此既勝事雖夙訓非憊云云然非所習聊試略言夫運筆邪則无芒角執手寬則書緩弱點畫短則法臃腫點擘長則法離濟畫促則字橫畫疎則形慢拘則乏勢放又少則純骨无媚純肉无力少墨浮溢多墨笨鈍比並皆然任之所之自然之理也若抑揚得所起舎无違值筆連斷觸勢舉擗揚波折節中規合矩分間下注濃纖有方肥瘦相和骨力相稱婉婉曖曖視之不足稜稜凜凜

常有生氣適眼合心便為甲科衆家可識亦當復貫串耳六  
文可工亦當復由習耳一聞能持一見能記且古且今不无  
其人大抵為論終歸是習程邈所以能變書體為之舊也張  
芝所以能善書工學之積也既舊既積方可以肆其譚吾少  
來乃至不嘗畫甲子无論於篇紙老而言之亦復何謂正  
是見嗤於當今貽笑於後代遂有獨竄之言覽之皆熱隱真  
於是乎累真矣此直一藝之精非吾所謂厥事此道心之塵  
非吾所謂无欲也

樂毅論患心近甚疑是摹而不敢輕言今自以為非真  
竊自信頗涉有悟箴贊過為淪弱許靜素段遂蒙永給  
仰銘矜獎益无以喻如此書雖不在法例而致用理均  
皆間細楷無復兩玩先於都遇得飛白一卷云是逸少  
好蹟臣不嘗別見无以能辨惟覺勢力驚絕謹以上聖

於臣非用脫可充閣額仍以奉上臣昔於馬澄處見逸  
少正書目錄一卷澄云右軍勸進洛神賦諸書十餘首  
皆作今體唯急就章二篇古法緊細近脫憶此語當是  
零落已不復存澄又云帖註出裝者皆擬齊諸王及朝  
士臣近見三卷首帖亦謂已久分本不敢識此正復希  
於三卷中一二備更得預出裝之例耳天自遂復頓給  
先卷下情益用悚息近初見卷題云二十三已欣其多  
今者賜書第至二百七十惋訝无已天府如海非一筭  
所及良用息心前後都已蒙見大小王卷於野拙之分  
實以過幸若非殊恩豈可缺望愚固本博涉而不能精  
昔惠无書可看乃願作主書史晚愛隸法又羨典掌之  
人嘗言人生數紀之內識解不能周流天壤區區惟克  
恣五欲實可愧恥每以為得作才鬼亦當昧於頑仙至

今猶然始欲翻之自无射以後國政方殷山心歎豎不  
敢復以虛閒塵觸謹於此題事遂成煩蹟伏願聖慈照  
錄誠慙

才區別諸書良有精賞所異同所未可知卷可否耳給事黃  
門二紙為任靜書觀所送靜書諸字相附近二紙靜書體解  
雜便當非靜書復當以點書波擊論極諸家之致此亦未可  
倉卒運於豪楮且保拙守中也許任二蹟并摹者並付反

一一卷中有雜蹟謹疏注如別恐未允愚衷并竊所摹  
者亦以上呈近十餘日精慮悚悸无寧涉事遂至墮瘡  
不宜復待填畢餘條並非用唯疥疫威輦二篇是經書  
體式追以單郭為恨伏按卷上第數甚為不少前旨准  
有四卷此似是宋元嘉中撰集當由自後多致散失逸  
少有名之迹不過數首黃庭勸進像贊洛神此等不審

猶得存者

第二十三卷

今見有十三條在別紙

按此卷是右軍書惟有八條前樂

毅論書乃極勁利而非甚用意故頗有穠字太師箴大雅吟用意甚至而更成小拘束乃是書扇頭屏風好體其餘五片无的可稱臣濤言一紙此書乃不意而非右軍又不識非廷又是琴給事黃門二紙治庶慙一紙是子敬書後又治慙狸骨方一紙是子敬書

右四條非右軍書

第二十四卷

今見有七條在

按此卷是右軍書者唯有十一條

皆非右軍書

林於舉起難復委曲

一前黃初三年一紙

是後人

一課嚴告墓文一紙

是許先生書

一抱懷幽痛一紙

是張澄書

五月十一日一紙

是琴王泚書

尚想黃綺

一紙遂結滯一紙

元二篇並後人所學甚拙

不復展一紙

是子敬書

便復改月

一紙

是張翼書

五月十五日繇白一紙

亦是王泚書

治效方一紙

是謝安書

右十條非右軍書

伏恐未垂許以區別今謹上許先生任靜書如別此方  
即可知王泯張澄張翼謝安書公家應有

鍾王乃有一卷傳以為真意謂志是摹學多不足論有兩王  
行許似摹微得鍾體遠少學鍾的可知近有二十許首此外  
字細畫短多是鍾法今欲令人帖裝未使得付來月有竟者  
當遣送也

感伏覽書前意雖止二六而規矩必周後書不出二百亦  
褒貶大備一言以蔽使書情極頓使元常老骨更蒙榮  
造子敬懦肌不沉泉夜唯遠少得進退其間則王科顯  
然可觀若非聖證品析恐愛附近習之風永遂淪迷矣  
伯英既稱草聖元常亦自隸絕論有所謂殆同一機神  
寶贖世莫繼斯理既明諸畫席之徒當日就輟筆反立  
歸真方和歲世愚管見預聞喜佩无届此世皆尚子敬

元末繼以齊代名實脫略海內非唯不復知有元常

於逸少亦然非排棄所可黜涅而不淄不過數族今奉  
此論自舞自跳未足逞泚頽以所摹竊示洪遠思曠此  
二人皆是均思者必當贊仰踴躍有盈半之益臣與洪  
遠雖不相識從子翊以學往來因之有會但既在閣恐  
或已應聞知摹者所裝字大小不堪均調郭看乃尚可  
恐筆意大殊此篇方傳千載故宜令跡隨矣所奉三紙  
伏猶字跡大覺勁密竊恐既以言發意意則應言而心  
隨意運手與筆會故益得諧稱下情歡仰寶奉愈至世  
論咸云江東無復鍾蹟常以歎息疇於望中原廓清太  
丘之碑可就摹採今論自云真蹟雖少可得而推是猶  
有存者不審可復裝字既無出見理冒願得工人摹填  
數行脫蒙見賜實為過幸又逸少學鍾勢巧形密勝於

自運不審此例復有幾紙垂旨以黃庭像黃善諸文可  
更有出給理自運之蹟今不復希請學鍾妙仰惟殊恩  
又啟

逸少自吳興以前諸書猶未稱凡厥好止皆是向會稽  
時永和十許年中者從失郡告靈不仕以後略不復自  
書皆使此一人世中不能別見其緩異呼為末年書逸  
少已後子敬年十七八全倣此人書故遂成与之相似  
今聖旨標顯是使衆識頓悟於逸少无末年之誤阮研  
近聞有一人學研書遂不復可別臣比郭摹所得雖粗  
寫字形而无復其用筆跡勢不審前後諸卷一兩條謹  
密者可得在出裝之例復蒙垂給至年未問否此澤自  
天真以啟審非敢必觀

武帝答進玄通記手詔

省疏并見周氏遺蹟真言顯然符驗前詔二三明白益為奇  
特四奏今留之見淵文并具一二准增降歎 十二月二十日

隱居進周氏玄通記感

某啓去十月將末忽有周氏事既在齋禁无由即得感  
聞今謹撰事蹟凡四奏如列上呈但其覆郵疑網不早  
信悟迨自劾悼分貽刻責淵文口具陳述伏願宥以聞  
情謹感

唐詔誥

太宗賜王法主詔

先生操履夷簡德業沖粹屏棄塵雜志虛玄吐故納新食  
芝餌水會衆妙於三清之表返華髮於百齡之外道邁前烈  
聲高自古非夫得秘訣於金壇受幽文於玉笈者其孰能與  
此乎朕昔在藩朝早獲聞道眷言夙範无忘寤寐近覽來奏  
請禪故山已有別勅不違高志并許置觀用表宿心未知先  
生早晚以屆江外所營棟宇何當就功佇聞委曲副茲引領  
近已令太史令薛頤往宣朕意

貞觀九年

事見舊唐書本傳

高宗贈王法主詔

門下故王清觀道士王遠知性含絜贖跡徇幽玄體茲縣解  
見稱光覺自締構之初迄光華之旦綢繆恩遇事昭綸絳仙  
化不追英靈浸遠眷言留馬宜有褒崇可贈太中大夫謚曰

昇真先生主者施行

調露二年二月七日

勅百潤州太平觀道士宜準七寺等例度滿七人如後有  
缺隨即簡度訖申

調露二年二月廿五日

武后加贈王法主誥

門下子喬羽化或留連於故祠康成道存尚延佇於舊邑矧  
夫跡膺仙籙名偶聖朝追想遺塵載殷遠念故玉清觀道士  
贈太中大夫昇真先生王遠知性與道合神從化游初窮帝  
解之微自得天倪之理時應三代韞秘術以輔光年逾十紀  
屬睿圖之茂運藏往知來察幽鑒遠亟符先渥緬惟贈恆之  
恩聿申後命宜峻褒崇之禮可贈金紫光祿大夫昇玄先生  
餘如故主者施行

嗣聖元年正月二十八日

玄宗賜李玄靜先生勅書

凡言通

勅丹陽郡太守林洋及道俗父老百姓等朕遠遵玄妙載想

靈仙春茲茅山是為天洞瑤壇舊觀餘址尚存道要真經數  
落將盡永言法寶良用撫然今為黎元大崇道本故令清脩  
之士建立真儀訪迹靈山以新觀宇庶使玄宗再闡瞻奉知  
歸降福靈瀛致之仁壽也又比年以來每遵清靜官吏有備  
良之美農桑屬豐稔之期百姓之間庶无之絕也微寒卿及  
道俗父老百姓等並平安好遣書指不多及

勅江東道採訪處置使晉陵郡太守董琬山岳上疏分野下  
鎮方隅降福祐於人施雲雨之惠且茅山神秀華陽洞天法  
教之所源羣仙之所宅固望秩之禮雖有典常而崇敬之心  
宜增精潔自今以後茅山中令斷採捕及漁獵四遠百姓有  
喫葷血者不須令入如有事式申祈禱當以香藥珍羞之不  
得以牲牢等物卿與所由存心檢校漸寒卿得平安好  
勅廣陵李鍊師上清品人也抗志雲霞和光代俗為予備福

靈迹將赴金壇故賦詩寵行以美其志

紫府烟霞士玄宗道德師心將萬籟合志與九仙期絕俗遺  
塵境同人喜濟時訪經游玉洞敷教入瑤墀茅嶺追餘迹金  
壇赴遠思陰宮看舊記陽觀飭新祠緬想埋雙壁長懷採  
五芝真靈若可遇鸞鶴佇來茲

尊師抱一守中操微昭遠能回貞潔發揮道門遂與太和先  
生感是仙宗起予虔奉崇飭靈迹廣求真經則詩以寵行物  
將厚意永慰岐路以章禮賢也所謝知

勅鍊師李含光道高紫府學摠黃庭竒然來思式敷至妙既  
而屬念茅嶺言訪真經近出咸秦遠游方外朕載懷仙境延  
佇動脩將使九有之人同歸玄教三清之衆俯鑒遵行豈徒  
夢寐華胥馳誠碧落而已想尊師建立真儀所脩壇宇初至  
經稱殊用勞心甚寒得平安好遣書指不多及

勅練師李含光昨程元暹至得所進圖具規矩矣然崇飾仙  
觀祈盟真游若不幽邃清閒豈降霓裳羽蓋且在科儀猶有  
差降至於仙真道衆故亦不可同居所置紫陽觀大院內更  
不須著人居止但作盂廊四合清潔殿堂以備香火用候雲  
駕其道衆等列院安置今具作圖往應所添加亦入支料矣  
尊師體真遠識舍和內融必能上合靈仙之心下副欽崇之  
意也甚寒得平安好遣書指不多及

勅練師李含光尊師遠訪名山精求至教建立壇宇載寫真  
經庶事用心殊勞倦也朕志求道要緬想真仙將憑潔誠以  
備玄妙今以十八日清齋潔壇以受經誥靈仙降祐祈有證  
明今將詞及香信等件尊師當為宣揚科儀奉詞陳謝庶上  
達仙宮下垂昭應甚暄尊師得平安好遣書指不多及  
勅李練師道者是万有之宗法者是九真之契大聖以垂教

後學以進脩弟子比欲敬受經法以未詳嚴秘又真經散逸  
紕謬處多近訪得天真遺蹟至於科儀无不條備加以摹寫  
一依戒百喜夙志之見遂荷真靈之降恩以今月十八日仰感  
三清尊君太師玄師真師潔齋受訖載捧真文恭披鳳篆將  
以運心太虛之境以養谷神之壽也其跪信具依經傳造是  
今并投詞封以附徃尊師體道之要舍光之和清簡无為与  
予合志請為弟子以前件詞及跪信投茅山華陽洞天金壇  
靈府以為明信用證勤精夫有德者尊以美号則葛洪者抱  
朴之稱陶君有貞白之名永言前脩事實不遠今号尊師為  
玄靜先生以昭懿德軼高行也故令使徃甚暄尊師平安好  
遺書指不多及

尊師秉德之和樸德之要為弟子親戴跪信以感靈真且以  
号以表精脩衣服者所以展誠敬是申崇尚之意式贊仙階

之美也所謝知

尊師所奏靈芝信殊祥也若采雲繁布比芳蘭芬馥當紫陽之福地叶丹誠之吉徵遠與大同玉芝遙為合應斯仙真上祐尊師潔誠是降休徵用深慶慰今令將詞及香投謝天洞式憲高德以達虔心也

靈芝者和氣以生真仙監植昔軒轅至道三秀屢芳永惟禎符載瑞茲日黃輝朱采八十一莖色叶金方數應陽吉或連跗並萼或雙本同枝出天洞以敷榮就藥壇而結秀實曠代嘉貺至感殊祥尊師既陳詞達誠遠致真錫弟子敬受元吉當取餌焉甚熱平安好

勅眷言仙府旁連洞宮青壇舊居緬然靈迹紫臺新宇煥啓真宗式彰崇奉之誠爰置葺備之戶尊師等副朕茲意清靜實持也

勅尊師道德之重仙真所欽是以脩齋必有精感况山惟地  
脚會司命之福庭壇迹天宮則真人之舊館演弟子勤志致  
蒼生壽域迢遙東望日夕傾心至于開春佇迴風馭以慰渴  
賢之想來敷玄妙之教也初秋尚熱尊師平安好遣書指不  
多及

勅爐開仙藥九真示傳院合靈芝三茅監植徵之玄錄蓋未  
曾聞唯魏伯陽豫地於前今李越成効之於此朕當齋心以  
伺專使往迎与尊師同承道錫也所賀知

勅朕每重清真親乎有道而覽茲誠請義在難違俾遂遐懷  
以就醫藥亦既痊損當早來旋

詩送玄靜先生整還廣陵并序

玄靜先生稟和清真樂道盡極頃來城關善利同人緬思林  
泉洗心外俗予嘉焉重焉式遂其意言念于邁賦詩寵行

楊許開真錄夫君密契傳九星連紫蓋雙景合丹田玉簡龜  
臺職金陸洞府仙猶期御風便朝夕俟冷然

敬問玄靜先生先生秉潔白之節得黃中通理學徧九流通  
守玄默心游八景益混光塵則密行高迹良可歎矣然能屈  
獨徃之心廣弘濟之道緬迪真祐深感淳源知前後所脩功  
德皆有感應瞻望東南馳心日夕今附物及香索手尊師更  
為九度脩功德也庶使蒼生承日用之福外化有歸順之心  
天下和平惟道所庇脩功德了當整迂風馭一至京來甚寒  
尊師比清暢唐師回遣書指不多及

齋醮之儀願有操指將致誠懇必仗精脩故屈尊師敬申妙  
旨知己事畢使多愧也所謝知

尊師思慮就精虔心齋潔致福利物其巧實多况擇高流同  
勤至道精脩不怠嘉尚弥深香信之資用貽誠意也

尊師以至道妙用精誠感真薦福朕躬居寧寰宇俯及長至  
耒慶休祥履端之吉是与同也遲至耒春共尊師相見

敬問玄靜先生昨弟子唐若倩至具知去月十一日功德事畢  
夫以至誠之心精備之感壇在仙境宜按沖科下庇蒼生上  
資宗社永求福應玄感昭然及知天地至和人神胥慶以降  
甘露以表休符則視履考祥其旋元吉今歲聿去暮璿璣  
行不愧再勞事緣万姓今附香信徃至年下且請尊師於所  
居備功德以助履新至耒載春和復請尊師於茅上為宗  
社下為黎元脩河圖大齋應緣功德之物觸新再造無以多  
勞所利者廣又道德相親氣味縣合諸山聖蹟多有異人若  
有訪尋尊師當為弟子拾致也甚寒尊師道体安和唐若倩  
還遣書指不多及

尊師上清真情下和仙教為朕致福以庇蒼生三皇秘文

應河圖內記祈延福祥虔誠之心遙屬茅嶺所寄少物  
豈吝勤勞春景漸和尊師比如宜也

詩送玄靜先生歸廣陵

并序

練師氣遠江山神清虛白道高八景而學兼九流每發揮玄  
宗祿迪仙籙延我以玉皇之祚保我以金丹之期敬焉重焉  
深惜化別因賦詩以餞行云耳

默受玉倪道逾深尹喜師欣同八景會更叶九丹時鷹鶴遙  
烟境江山渺別思當遷洞府日留念上京期

尊師以道樞和濟以真宗感迪來致玄妙去還雲山詩以見  
懷用軫惜別也所謝知

肅宗賜玄靜先生勅書

勅李含光師久契真要深通玄微游逍遙之境得朝徹之道  
上皇疇日順風見知今乃練質名山良多景慕也况茅君祠

六仙經所稱靈化往來神藥斯秘師當閱金籙之秘訣祈玄  
宮以清滄驗消災之方効長年之術尤宜精勵庶表齋功夏  
熱師得平安好遣書指不多及

勅李含光師深通道妙久著名聞昔茅君之山今洞真之奧  
以評德行良景慕之朕頃愆干戈掃除凶匿保全百姓克定  
兩京上皇聖駕迎還宮闕得此定省慶慰自天仰荷玄元之  
祐再成宗社之業亦師精備願力有以助之必須加意壇場  
潔精香火廣上皇之福壽俾六合之康寧靜正道門當在師  
也所謝知

備造紫陽觀勅牒

茅山紫陽觀右臣奉勅與備功德使玄靜先生李含光內議  
者監程元暹等同檢校備造前件觀並了并設齋謝上訖去  
九月廿二日錄奏奉勅宜付所司備造觀迴殘錢二百四貫

二百八十五文右備造外有前件迴殘為造觀成附奏奉勅  
便賜觀家充常住郡司已準數分付三綱訖臣又與觀主道  
士劉行矩寺商量請於便近縣置一庫收貯每月納息充常  
住其本伏望長存 觀額及徒衆先受地頃畝並是今載所  
收納苗子支來載粮亦充并觀內先有奴婢四人小牛六頭  
車一乘見在右臣今對所管縣官及三綱檢責觀內先有前  
件產業數勘覆並同其粮食已有歲支來春請加營種 觀  
內什物五行寺右觀家先貧什物數少昨備切德使程元暹  
奉勅支供黃籙齋外有迴殘銀一百兩令臣分付觀內徒衆  
將回市所欠什物等並令充足 觀內松竹菓木寺右臣伏  
以觀在茅山羣仙所集院宇雖則華壯松竹先多欠少比為  
非時未由種植請至開春專令栽蒔并於南池種藕庶望周  
徧謹具以聞丹陽郡太守林洋奏件狀如前

中書門下牒丹陽郡牒奉 勅宜依牒至準 勅故牒

天寶八載正月八日

左相兵部尚書陳希列 左僕射兼右相林甫

玄靜先生寺表奏附

道士臣舍光言今月十八日品官王遊仙宣口勅賜臣  
法水六副又今日將軍高力士宣旨賜臣御製詩一首  
纒二百疋并香鑪寺臣雖在道流素无深識因遇聖代  
仍荷國恩霓裳羽服出自天府神筆睿藻頻集微軀臣  
之叨受實踰涯分臣自嬰風疾十載有餘形衰力弱觸  
事俱廢惟願香鑪致福上荅聖躬終此餘生不敢有二  
无任恐懼之至 天寶六載九月廿五日

道士臣舍光言今月二十四日中使啖庭瑤及道士唐  
若倩賫脆物并詞至山即以二十五日与庭瑤若倩於

華陽洞門燒香讀詞無歲馳信至暮事畢臣又奉勅書  
錫弓并賜法衣忍承聖旨進退惶懼臣以僥倖頻忝國  
恩功微德薄寄情靡所不勝悚荷之至因投跪已了謹  
遣楊慎奢奉表陳述并謝以聞 天寶七載三月廿六日  
臣舍光言竊見紫陽觀東隱居先生鶴合丹所忽生芝  
草八十一莖形狀瓌奇光采秀麗根憑松石氣鬱蘭荃  
斯寶曠代希有當今罕見伏惟 陛下推誠洞府展敬  
天廚謄言紫陽載興備葺是以神物繁植用表吉祥况  
与知師僉去聖德所感莫不喜悅臣不勝欣躍之至謹  
遣楊慎奢先奉表以聞今圖寫芝形委曲詳辦事畢之  
日別差使上聞 天寶七載五月二十日

臣舍光言今月十八日中使啖庭瑤賞御詞并香至山  
臣即於昨十九日與庭瑤及同法劉行矩等詣紫陽觀

東大嶺山石燒香感真密宣詞旨以今月依法採芝其  
芝草大小八十一莖籠感如別无任喜懼之至因庭瑞  
護奉表以聞

天寶七載六月二十日

道士百勳俗尋言伏奉五月十三日恩制紫陽觀取側  
近百姓二百戶太平崇元兩觀各一百戶並蠲免租稅  
差科長文備葺洒掃者實以光昭洞府永構玄門掃饒  
開清靜之場施力增人戶之福伏惟

開元天寶聖文神武應道皇帝陛下廣崇道化克著真  
宗重闡徽猷尋倫法要遂使靈山祠宇載葺類網茅許  
仙居感蒙劍迹臣等愚昧濫在法流叨沐殊恩曲霑濡  
澤所以遠馳丹禁踟躕天庭无任感荷喜抃之至謹躍  
龍門奉表陳謝以聞

天寶七載八月十一日

丹陽郡紫陽觀道士楊礪僧曹仲素太平觀道士徐元浩等上表

臣舍光言臣弟子唐若倩與前句容縣令李越成進呈  
并奏以今日到伏承差生藥院數表于差丹化神  
爐光踰九轉自非聖德至重希代神物无由  
卒至謹恭恭同契論此丹云帝王永御千秋常存既未  
聞於往日實有徵於聖代不勝慶躍之至謹奉表陳賀  
以聞  
天寶十載八月二十七日

臣舍光言臣雖服膺道法而拙於理身久患風疾腳膝  
无力入秋以來漸覺羸弊物性所習南北異宜伏望天  
恩許還本土冀漸醫藥稍延視息无任區區之至

天寶十載九月十日

臣舍光言昨十四日內侍奉思藝宣口勅以御製送臣  
歸廣陵詩一首見賜伏惟陛下虛己應物巨細无遺  
爰寄睿懷降茲神筆翰蕪雲篆之妙詞發玉晨之音願

漸優渥捧對无倦臣行裝已辦即日戒塗遠關廷但  
深愧慙  
天寶十載九月十五日

臣舍光言季夏毒熱伏惟聖躬起居萬福去月八日中  
使啖庭瑤至山宣口勅以所賞纒二百疋并香三合令  
臣於茅山用施齋醮并賜臣衣兩副臣謹承聖旨於紫  
陽觀東鬱岡山右別立靜院剋取今月二十七日入空  
齋二十八日寅時為正齋之始自此之後以漸遵行計至  
冬間法事乃畢務盡心力以求感通但臣无功每蒙賜  
及伏增戰慄今供擬已辦謹遣弟子唐若倩隨中使齋  
令說奉表以聞  
天寶十一載六月十九日

臣舍光言畧度環周日長南至伏惟陛下膺納乾祐  
慶无不宜臣等今於茅山為國焚情齋醮无任欣悅之  
至謹遣中使啖庭瑤起居謹奉表以聞  
十月廿五日

臣舍光言前所奏請紫陽觀東嶽岡山石奉脩齋自  
六月廿七日起首行道至今月七日冬至日初出時緣  
是齋人及中使齋令說等咸見齋壇四遠松對悉有甘  
露其乙白其氣香其味甘其松去壇漸遠者而露亦漸  
少計今凡降甘露松對都有二百三十株謹按道德經  
稱天心相合以降甘露人莫之令而自均焉玄聖著經  
以為嘉瑞齋醮遇此又為吉祥敢不以聞謹遣弟子唐  
善倩隨中使齋令說奉表供進甘露二合

臣舍光言孟春猶寒伏惟聖躬起居萬福去載十二月  
廿五日中午使啖庭瑤及臣弟子唐若倩等至伏奉聖勅  
勞問臣蒙賜絹百疋行道道士賜絹二百疋又奉聖旨  
以奉命紫紋七十疋五方紋縵各二十疋銀五百兩令  
臣依河圖內扁奉脩齋謝并餘功德臣爰以去載十二

月晦及今載元正之日先於廣陵郡大唐廣業大龍興  
觀謹脩歲節吉齋以助履新之慶今又於茅山紫陽觀  
中詮舉同法有戒行者共營齋具講習之儀務令合法  
然後施用至夏齋畢隨事上聞但臣自顧非材謬參道  
法不以庸淺頻荷國恩雖竭愚誠豈酬万一无任悚懼  
之至

天寶十三載正月廿五日

臣舍光言仲夏炎熱伏惟聖躬起居萬福臣先奉聖旨  
令於茅山脩奉河圖齋謝頻屬霖雨遂關施行至今月  
八日夜始就宿殿次九日十日夜依法正齋并伸禮獻次  
十二日江中投辭以望日設齋飯賢自始及終頗為周悉  
但臣等學非師授材愧聰明雖謹按成規而所疑未洗  
不勝惶懼之至謹遣唐若倩奉表以聞

五月廿五日

臣舍光言昨十日中午使孟游仙貴勅至茅山脩功德所

仰感聖恩伏增恐懼先於此山與諸道士能戒行者共  
遵香燈之務庶以助國扶教消災致福但臣等雖班法  
任愧乏感通區區之心不敢有二因孟游仙使回謹奉  
表上謝以聞

至德二載六月十二日

右勅書并表奏唐貞元十四年刻石

大和禁山勅牒

潤州三茅山。大茅山西面到平地路三里內有太平觀南面到  
平地路三里內有華陽洞南門崇元觀道祖院東面到平地  
路四里東北長嶺緣嶺脚不斷接連並平路是界北面連積  
金嶺內有華陽洞西門及祠宇。中茅山西面到平地路三  
里內有三茅廟及祠宇東面到平地路三里南面連積金嶺  
北面連小茅山。小茅山西面到平地路三里西北至雷平  
養龍池郭真人塘紫陽觀南面連中茅山東面到平地三

里北面連大橫山內有燕口澗并祠宇北至大橫山鍊丹院  
三里

右茅山三觀威儀道士孫智清寺狀華陽洞天衆真靈  
宅先奉恩旨禁斷戈獵樵蘇秋冬放火四時祭祀咸絕  
牲牢自經艱難矢志元勅百姓不遵舊命侵占轉深採  
伐山林妄稱久業伏請重賜禁斷準法護持差置所由  
切加檢察庶得真場嚴整宮觀獲安具元禁疆界如前  
中書門下牒茅山三觀等奉 勅句曲靈山洞宮所在恭惟  
列聖嘗亦欽崇宜禁樵蘇以申嚴敬其茅山界內並不得令  
百姓戈獵採伐及焚燒山林仍委州縣切加禁止牒至準  
勅故牒 大和七年十月四日

中書侍郎平章事李德裕

檢校右僕射平章事牛勣

茅山志詰副墨第一篇上卷之第一

茅山志詰副墨第一篇下卷之第二

上清嗣宗師劉大彬造

宋詔詰

大中祥符勅禁山

訪聞茅山界內祠宇宮觀之側樹木多有諸色不願備法擅  
行樵採及放野火焚燒山林須議專行指揮國家方延景貺  
以祐烝民眷彼名山存於方志或仁慈所治或真侶攸依是  
為降福之場允謂栖神之所故宜加禮敬答儲休豈可斤斧  
斲臻樵蘇无節致嘉生之罔植使靈蹟以何觀爰伸禁心之  
文用表肅恭之意今下潤州昇州侯宣命到於茅山四面立定界  
止嚴行指揮斷絕諸色人并本山宮觀祠宇主首以下自今  
後不得輒有樵採斫伐及放野火焚蕪常令地分巡檢官吏  
者老壯丁覺察檢校如有違犯即便收捕押送所屬州縣勘

斷訖令衆半月滿日踈放如斫伐數多情理難恕即仰收禁  
奏候指揮當行決配如是逐處宮觀祠宇之外无有供燒柴  
薪不係古蹟之內久未存留對木即仰本縣官吏與宮觀等  
主首同共指定界以繫立標記方得採取若是已有斫伐延  
燒到對行稀疎處亦仰隨處州縣勒定數目去處常依時栽  
種補填務要別无空闕即不得輒便搔擾仍將此  
宣命指揮於宮觀門首及往來要路鐫石曉示知委

大中祥符二年奉 勅如右

明肅劉太后賜朱宗師御札

金注子底水一副共重三十兩是 皇帝小時使底與道者  
充買田土供贍道衆齋糧兼逐日持課祝延 皇帝聖壽長  
命安樂水離灾輶与彼處知州同共商量買田土好莊子令  
任文慶与知州同共收買回日畫取圖子来

崇寧加封三茅君詔

詔勅門下句曲洞天有真人焉變化无方靈妙不測秦漢而降應千餘年墮祀授祥澤于生民而隆名徽稱猶或未備非所以極崇奉之誠也茅山大茅君今号太元真人東岳上卿司命神君可進号太元妙道真人東岳上卿司命神君中茅君今号之錄右禁真人可進号空錄右禁冲靜真人小茅君今号三官保命真人可進号三官保命冲惠真人庶幾道和氣獲嘉應以助我國家太平无疆之福故兹詔示想宜知悉

崇寧元年四月二十七日

徽宗賜劉宗師勅書并詩

崇寧元四十一通  
大觀元三十一通

勅劉混康自別以來必守安静尔冲和養氣得其妙道學術精深博通奧自救危難以積善觀德業以養高小大之事常所訪問盡規極慮頗勤忠恪濟人利物功莫大焉近覽所奏

並皆惟允已差郝隨專董其事餘地土等亦一一應副更有所  
需依前奏來 崇寧元年七月六日降到

勅劉混康脩真務本高道有常之士學業為心去執忘貪之  
德特守去病之術普設濟人之方尔自離關下將周歲紀近  
覽來奏喜聞安靜所乞立未事已降指揮脩建本觀所要疾  
速選定日期興工如遂旋有闕一一奏來春氣漸和自加調  
適謹奉天時以滋妙道 崇寧二年正月九日

勅劉混康尔自別京師條改歲華完脩祠殿備悉勤勞近覽  
奏章具知安裕所云殿名以天寧萬福可也其清靜經並依  
所奏尔肅恭祀事達于上境所見灾祥何不具奏此者牟麥  
發生之際惟藉膏澤之力迺自春首以來頗愆時而未濟四  
郊之農甚悚千箱之望朕心憂懼夙夜匪遑尔當悉心體予  
至懷用斯懇切之誠精加祈禱之意以名非高道豈達清鄴

无窮贊陰陽之化育清高可尚塵俗難羈浩然守志於林泉  
潔素以安於壽考宮宇脩完應辦可集已令促役必无緩時  
才有畢工之奏速期赴關之行未即對問更希加受故茲詔  
示想宜知悉

崇寧四年閏二月三日

勅蜀混康御宅心道妙顯迹神功順四序以凝和寓一身而  
水福靈符法水久推濟物之仁保氣存神自得養生之主涉  
此畏景想集殊禧比詢入覲之期力有告成之請畢工在迹  
重諾難渝宜促行裝正風帆可乘之便早登畫鷁當江水善  
利之時著矣在候更切保頤故茲書示言不多及

崇寧四年五月二十九日

勅蜀混康省觀來奏備悉所懷涉夏之中提身益福應知工  
築僅及於告成將伺舟維屆臨於近甸其如服勤職事幹集  
善能顧惟激勵之風當允誠悅之請指期良觀促日戒行敷  
善利於羣生享徽名於大道爾茲至禮體我眷懷夏熟卿比

平安好遣書拍不多及

崇寧四年六月十七日

勅劉混康卿法大道之自然稽真詮之典則順時樂性正一己之貞心闡教濟人保千齡之上壽朕濶滋久懷想良多累台待來迹今改歲尚有力難之奏猶塵固避之言況予疊命有司當遂責成董集其工但勿貽慮餘者完繕悉付規模漸可慶全夫何多遜宜速登舟之備佇聆飛檣之音仙帆風靜秋水波平乘茲清景勿辭來對荐頒詔諭示我春隆將遂觀言遣書拍不多及

崇寧四年七月十八日

勅劉混康自遠皇都屢周星歲居名山而崇秘殿竭丹懇以奉高真闡揚大道之源昭卷上靈之既葺興觀宇廣集休祥壯一代之和規衍萬年之景祚凡所陳述皆盡公忠願須來對從便如居其如退村已行處公畢役去初慶成就緒當斯秋景促棹安流天高雲靜蘸晴光千里之平波水翠烟溟滃

素色一帆之輕吹尚測氣力自養清高故此詔示宜悉者懷  
非晚觀言茲惟簡及

崇寧四年八月二十日

勅劉混康省所奏備造已就緒欲於九月中乘船赴闕朝謝  
者欣聆畫鷁容与泰淮願伺仙鳧翱翔魏闕佇聽希夷之妙  
誨欽敷慈儉之溥風治念烹鮮動趨正道霜秋屆候涉履良  
勤爰命使華往加撫勞體茲眷異益固沖和宜速進舟慰予  
跋望秋冷卿比平安好遣書指不多及

九月十二日

勅劉混康心存道要夙契真元久處逍遙之場自得沖和之  
旨昨迂芝蓋來叩楓宸遂款秘奧之名言乞還茅峯之舊隱  
志堅意切勉從所陳遠遠以來俟尔經月每一思念寤寐不  
忘扁舟高卧諒及淮楚之巖三秀極真獲出塵寰之表高風  
遐舉良景慕之時當祥暑卿比平安好遣書指不多及

先生自雒關下倏忽閱月想以道妙動止沖和每一南望愈

增應慕向者所托奏章之事，倘有天意可速奏來，及求傷風  
符子數十道，附巡封進。時方炎暑，清虛自重，想已到宮，所備  
如何潛神養了，與未一一奏來。

崇寧五年五月十三日

勅劉混康所奏拜章事，具知夫至誠必通，精備有感，事具存  
於典儀，昭著於真科，卿虔心請禱，齋潔神默，契高真獲  
通秘旨，非夫公忠之內，充何得精誠而上達，郵音忽至，嘉歎  
良深。昨懇辭上京，巧還舊里，三萊勝槩，允資高尚之居，外聖  
所栖，克叶潛神之志，更宜保練，以副虛懷。畏暑在序，卿或平  
安，好遣書楮，不多及。

崇寧五年六月二十日

先生離闕下來，又復累月，以日炎暑，想以道妙清勝，所奏拜  
章天意不勝嘉歎。自非先生高道洞達，何以臻此。如更有所  
見，附黃帝叟來奏，得无隱章也。本宮所關，亦可一一縷細開陳。  
潛神之役，堪見告切，不知所備可意否。

回前

勅劉振康徒弟傅希列賫到表章具知刻意虛无宅心清靜  
得无為之妙理通大道之渊源自抵萬寧矧多餘裕三茅紫  
府列聖福庭真山所栖靈峇如響卿寶金籙而練氣秘玉簡  
以清脩想得優游必資香火上新宗社之謚寧下濟黎元於  
仁壽所馳至意宜真卷之徒衆忽臨封章來上深嘉遠際益  
表勤誠雖尔際違但渴名理溽暑尚熾善衛是宜卿比平安  
好遣書拍不多及

傅希列等賫到表章知卿已至元符萬寧宮及知拜章事蒙  
上天慈恔敷錫嘉祥卿道慕三茅行遵二許雙來魏闕還駐  
故山鶴馭難留每深引嚮近煩慈念通拜寶章祗荷蒼昊俯  
垂淵鑒丁寧天訓警悟不忘夙疚欽崇以酬昭貺炎暑方隆  
保愛是宜餘具詒意

所奏事逐一降指揮訖如更有所關但一一見示提舉官已差

揚戩題額已書知之蔡卞亦已撰文先生自来轅直有所聞  
見灾福但詳細密奏花木已收瑞香尤佳傅希列回付詔書  
等及賜祠部餘各賜紫衣師号親書畫扇暑熱可以台風鑲  
心符子告求數貼

傅希列等回附物下項

沈檀箋香各二十斤

生熟龍腦五斤

降真香十斤

御書畫扇頭十箇

四味菓子廿籠

香藥二合

崇寧五年七月初四日

勅劉混康卿夙臻要妙志尚清虛朕遐想高風无忘朝夕載  
被貞績之勤心益表公忠於王室言念及斯良亦嘉歎所陳  
情悃並即施行永勝先塋許焚脩之後衆潛神官屬第推賞  
於隋資成命已頒可悉亮也朕欽崇大道景仰靈蹤是述志  
以昭功故開山而建宇畢工乘上欣懌交懷所期大闢真風

錫蕃禱於黎庶精治法錄永協贊於丕基誦誨選沖襟善  
護秋涼卿比平安好遺書拍不多及  
七月二十日

勅劉混康省所上表乞差官撰述宮記事具悉茅嶺幽栖積  
金舊址眷念靈迹旁連洞宮啟瑤臺之新府大煥燠於真風  
宮宇落成豈碑可俟命碩儒以製文及親題於碑額非特為  
一時之盛事抑以垂前人之休聲卿當慎擇高流同勳至道  
精脩不懈乃情所瞻每思心要常憶儀刑願川塗之惟阻想  
會晤之尤賒其親書碑額及蔡下所撰書記今差使臣管押  
前去至可領也秋涼卿比平安好遺書拍不多及

先生養素金壇策名紫府昨自仙舟東下日深懷想迩來秋  
氣頓清緬惟道體和裕未涯訪道惟切傾思保練潛神副予  
勝矚其碑額等今已書畢遣人降賜餘有所陳俱具奏章

崇寧五年八月二十日

勅劉混康栖真有素守道无渝切行益隆聲華夙著即万寧  
之燕處奉大籙以精勤博濟羣生成超善化擴尔无為之妙  
相予可致之祥盖名以實韋禮緣德稱宜錫褒嘉之寵用延  
和遠之休法号增崇僉言惟允往即欽承毋或逃避所有誥  
命今附遞賜至可領也時當素秋卿比平安好遣書指不多及  
朕以先生棲真句曲養素潛神符水施功慈濟遠迹嘗招鶴  
叙論道宣和感迪无為輔成靜治欽承微妙寤寐不忘近以  
宮宇告成特加先生冲和二字其告已入遞附賜當體眷遇  
時貢至言造闕未涯尤希保啻

宣師所奏宮門牆宇等事乞脩治已令有司火急應副物料  
材木等責立近限速令畢集无致逗遛稽緩去訖如先生更  
有所關但具奏无隱也傷風符鎮心壓驚佩帶符子各求數  
十道幸甚

加沖和先生誥

江寧府茅山元符萬寧宮葆真觀妙先生劉混康三茅靈  
濟仙聖所棲比建新宮用伸崇奉以尔心游澹漠道合元微  
御宅其間闡揚至化宜加美号以示眷懷可特授葆真觀妙  
沖和先生 中書舍人李圖南行 崇寧五年八月二十三日  
勅劉混康奉教玄元宅心清静造洞真之奧隱茅峯之顛乃  
睽籙居緬然靈異稱崇新宇大壯宗風丹臺鮮麗演性恫之  
道樞紫府鼎新追行漫之高躅按圖顯啟寔稱真游蓋軫崇  
奉之勤用慶落成之美益增欣沃當形詠歌御製慶成頌一  
軸今入適賜至可領也高秋氣肅比平安好遣書指不多及  
御製元符萬寧宮慶成頌

茅山之麓元符中即隱者劉混康所廬建觀号元符觀經始  
於元年秋至崇寧五年秋宮成大書其榜更号元符萬寧宮

蓋以協成 哲宗之志以安妥明靈欽崇妙道昭示後世乃  
為之頌曰

句曲之山有居其顛誰氏之子象帝之先哉迪後人淋備其  
身守靜而篤是為葆真在昔元符作室其下經始勿亟以遺  
來者我應受之嗣紹厥緒我儀圖之繕此棟宇考彼宮宇因  
心而友不日成之克相其後乃益其名曰維萬寧書以揭之  
用安明靈道大无方體用有常以德則帝以業而王坐進此  
道與道无極神之聽之洽此萬國 崇寧丙戌歲宣和殿書  
初夏之別幾半載矣坐阻頽角乃情恟想每引領之動思阻  
脩途而興歎還山以來景仰何啻有詩寫懷今同附遞到並  
檢領極思晤語邀未有期金風向勁天和善保符子已收更  
求佩滯符數道推恩事已施行希知之

徐真觀妙冲和先生歸山以詩送之

嘗年問道屬高人曾攬霞衣到紫宸身是三山雲外侶心無  
一點世間塵行鴻望極幽栖遠賀燕歸飛洞府新多謝為傳  
心法妙此真真外更无真 御製并書 崇寧五年九月一日

勅劉混康省累上表具之卿道高二許德貫三茅為教法之  
宗師擴真風而濟物輟群輦輟裕處名山濶清標之晤會思  
綺僞之與言每覩真章良嘉勤意所陳乞事皆已施行徒弟  
師名錫凝和之美号豐碑刊勅許漕幕之摠提今者方外又  
寧雨暘時著荷上帝之降康亦焚脩之有助霜秋屆候良晤  
未期勉加保頤用慰傾想望淨之勅今同遞附至可領也卿  
比平安好遣書指不多及 崇寧五年十月十二日

蹊阻以來復見窮秋引領南顧徒切坐馳每得郵音大慰傾  
渴山林虛靜想神游沖漠以適安耳所賜還山詩慶成頌並  
許刊模自餘手詔等不可上石乍冷保持法籙外倍万珍嗇

勅蜀涇康所進天寧節功德疏具悉卿養浩山樊棲真方外  
忠惟體國志在愛君屬取月之誕弥祓清塲而薦初疏言來  
上嘉歎良深故茲詔示想宜知悉冬寒卿比平安好遣書指  
不多及  
崇寧五年十月二十四日

勅蜀涇康省所上表陳乞事具悉卿潛心澗靜造道粹全涉  
茲冬律克保天倪荐覽貢囊備悉來懃蓋事功之就緒寔  
推賞之未周敷陳是宜銓次匪濫並可其奏已即施行宣義  
營用特從本宮之所請丹陽塘壩不許他司之占留事悉緣  
公物无私已載披勤至用歎忠嘉宜樂真常之餘擴推上清  
之法相予福祿永茂寰區更在精衷明躰朕意初寒卿比平  
安好遣書指不多及

竊異以來日月如馳景仰何及偃蹇白雲想多佳致近陳乞  
所賜詩頌上石並自刊模頌降次真本一一自叙別有陳請

附遞奏來胥會未期引向弥深冬序漸寒為道保育

勅劉混康省所上表本宮開建慶成道場有仙燈現事具奏  
卿心游蓬島坐揖崆峒守情真抱一之奧嗣歸根復命之源  
是以慶成寶齋仙燈示瑞蓋精衷之上達由至誠之內充嘉  
祥荐臻靈貺昭答舍生均被美利難云省覽以還良深歎獎  
兼聞仲冬擇日親詣永勝焚黃時當沍寒不无勞勩計想鶴  
馭今已還山俯迓迎長生經善衛 崇寧五年十二月十八日

睽異以來俄經冬序每思清誼時唯引領知道場有聖燈現  
於臆輪峯誠為奇異自非先生精誠昭格孰能臻此伏紙增  
歎未期胥見尤積恟念唯加自顧良副所望也聞先生往常  
焚黃時當疑凜道途保愛歸菴日符子更求數十道 同前  
勅劉混康克持真教慎保天倪棲岩亦以逍遙奉法錄而寧  
燕顧其淵懿宜有褒崇既頒諭於詩篇復形容於善頌抗章

來上刊石是期嘉尔丹誠勒于翠琰已令舟御寘彼宮垣傳  
弟子而章不泯昭著禮而示无窮當體朕心益崇法訓膺殘  
春及氣易序遷更勤保練之功頗示冲虛之訣已差使臣專  
一管押刻石前去至可領也凝寒卿比平安好遣書指不多  
及

大觀元年正月二十七日

勅劉混康卿秉心无妄執道不回摠持法源羣生所賴功庸  
昭著揭如日星使上清之教益隆而弗替者寔有力焉比以  
道釋混淆理宜區別斷自朕心重訂謬課至如三清混居於  
水陸元命反祠于梵宮繪塑无倫不可緊繫朕方圖叙彙論  
講明教法稽考後先之理推原積習之端申飭有司分別崇  
奉庶蒙休祉溥祐含生諒在淵冲必惟允議更新歲律尚冀  
保綏故茲示諭想宜知悉寒溼卿比平安好遣書指不多及

大觀元年二月九日

勅劉混康挺身沖粹有道涵泳秉志不回推心萬善省觀奏  
續備悉至懷仍聞新歲以來法履泰定所進术煎靈方夙授  
仙餌今存雖神鼎金丹之妙无以加諸長生之理茲其大致  
乎披繹勤志忻愜于中妙術恭持必无畔戾時傳郵命副以  
好音春序云初天和善護

朕異晤言俄經新律渴想儀刑朝夕弗替近降勅書所諭道  
釋混淆已付外施行事恐未詳盡今錄元降全文付卿一看  
卿教門綱領人所親徇其諸傳授保執持之无吝忽也所脩  
石橋道路事已委叢運使曾孝蘊專一應副施行益遠會見  
千萬加慎鎮心神符子告求數十道恐有所見灾福告先生  
示及宣師初春可令至昨降物徃彼道場已到否

有天下者尊事上帝勅命惟幾敢有弗虔而釋氏之徒備營  
佛事妄以天帝次於鬼神之列瀆神踰分莫此之甚其能克

享上帝之心乎可令有司檢會削除以稱朕嚴恭寅畏之意

大觀元年二月十五日

勅劉混康朕祗奉三元欽崇至道每念靈承之重庶臻可致  
之祥凡在幅員率興觀宇瞻三茅之名封集殊方之勝槩倚  
毗師法以名蕃釐坤風澆澗妙之切屢獲嘉休之應累迂鶴  
馭來叩楓宸款名理之至言詢心法之要妙保神清靜開闢  
廣間旅寓儲祥殆非宜稱已令董治黑鳩工構宇即上清  
之東隅運萬寧之別觀庶專靜館延處雲輶可預擇徒弟未  
此佳持故茲示諭想宜知悉

領所奏道教未便洎陳乞事仰道門宗師教法綱領凡所陳  
請皆合朕志驟違高論日馳南顧遐想香火之餘高樓雲表  
保神練氣所得多奧望師津之候黃冕到山可同赴關春序  
將噴馮道加慎

大觀元年三月十九日

勅劉混康省所奏辭免赴闕事具悉朕欽奉真元夙崇高道  
眷彼棲真之侶常形夢寐之恩佇瞻每渴於儀刑睽澗候更  
於歲筭再款話言庶資妙理是用載馳使傳敦趣造朝忽露  
封章引疾懇避夫豈不懷義非可強當以命更伺歲年尚  
慎寢瘳以副眷渥春和卿比平安好遣書指不多及

相別周歲引領尤勤兩披奏牘以疾力辭赴闕已具別勅可  
其所請宜亮悉之安處潛神以保壽康想綽有餘裕也道場  
事前已報知宣師陳請皆契勘施行候拍揮到止可令宣師  
赴闕會晤尚賒對時自衛治百病傷風符子告求數十道夜  
不燈下設慮先生意不安故也 大觀元年四月七日

勅劉混康省覽累奏具悉卿擯棄人事遠去塵寰旣殫懇迫  
之誠勉徇便安之請遐想迩來怡神昭曠持法崇高處寐以  
絕營葆光而不曜臨風東望一及緒益不无傾渴之勤也宣

淨之便可發來赴闕或有奏陳詳具无隱初夏漸熱卿此平安好遣書指不多及

大觀元年五月廿七日

別來一周呈律傾渴話言未嘗替也志趣高尚厥絕蹤跡得以澄神靜慮為冲漠之游良多慰浣愈遠高論徒深引向首夏清和為道保育月未忽目皆連發跡以書問笠師可令速至有經數卷伺笠師到令附去皆親書

勅劉混康際異又見畏景殊積詠思想惟偃蹇雲山養高物外從容於自得之場健羨无窮有所諭言詎可瞻口當伺騰馭西來面悉至意彼中有目擊事毋悼煩碎並附郵傳以聞使一方民瘼不墮於上聞茲所望也炎歊隆熾善衛仲和

笠師至所奏事一一備曉謹齋休寫成密詞一通托先生拜童奏達即幸也伺得天語速具奏來餘面譽笠師令於先生處開陳賁紀表一通亦附於笠師回山御筆畫

元始天尊

太上道君各一本可與去歲所書 太上老君共三清潛神

供養北斗等經五冊扇頭二十箇果實一十件香花龍腦漆  
燭等各以數交割付笈師空名祠部五十道紫衣三十道  
要度徒弟笈師之下應徒弟賜以紫衣師号隨行侍者十五  
人皆賜被度及賜束帛有差

大觀元年七月廿九日

累承所惠符子不敢自享人若有疾必与服之庶滋先生  
病救人之意諸符子告求數十道附遞進納

勅劉混康省所上表并錄奏具悉仍知所拜章詞消辰已遠  
得聞筌秘嘉歎良深倘非鄉曲中觀妙契道育真志念蒼黔  
誠通淵默者孰能臻此欣沃可知涉此夏秋益崇慶善朕万  
機之暇每覽道樞傾想話言何啻飢渴發春匪逸期必西來  
當體至懷毋執謙避秋高氣肅卿比平安好遣書指不多及  
久阻德標唯勤引嚮累收郵中之奏聞安處潛神綿有餘裕

淨之所奏各契勘施行來春赴闕別勅已諭此不多述當乘  
春水扁舟西上毋固抑朕意也秋杪霜清保錄持教外善衛  
為最 大觀元年九月五日

勅劉混康省所上表進奉天寧節功德疏具悉益冬正候  
節屆期嚴道範於瑤壇祝後天之景福願惟方外之侶不忘  
事上之誠乃曠忠勤益用歎揆故茲示諭想宜知悉初冬鄉  
比平安好遣書指不多及 大觀元年十月十四日

朕未諭也誠欲再見儀刑款導積觸而遊避再三詞情迫切  
遽見絕之若此况仙鶴安流何勞之有歲元後別降詔旨預  
此及之未間保練天和為祝來春道人宣台毋得推辭阻命  
勅劉混康累上表事具悉卿養浩山樊栖真物外優游自得  
起處甚休存覽貢章深嘉勤至惟妙談之香隔第知情以瞻

恩累頒詔書來春赴闕尚遲他托苦厭塵諠當柳志而整枉  
飛鳧毋養高以固違朕志尚體眷遇无忽予言冬序去初冲  
襟善保乍寒卿比平安好遣書指不多及

十月十九日

所奏增崇三茅徽号已契勘典禮施行至宜恣之春首會而  
不可拒命所期者款密高妙而已冬候向嚴倍萬冲攝符子  
更求數十貼即感也宮門事常在念豈不懷耳

勅劉凝康穎悟真機昭融至道每覽奏牘定契朕心欽乃三  
茅懇求封冊緬懷道蔭宜示褒隆即付攸司俾加顯命令令  
頒錫至可領也冬閏紀良保願何若阜流備阻系想徒勤俯  
近春和切期禱心安然舟御勿憚一來密屆迎長精加澄練  
冬寒卿比平安好遣書指不多及

自別仙風起塵住否蓋東下每一念之未嘗不慨然耳雲  
水生涯道途自得真有出世无窮之樂極思講妙决在來春

未間保錄持教外善嗇是禱

大觀元年閏十月廿一日

勅劉混康累收來奏備悉勤恪不啻與罄效接也順履時序  
食息何若來春飛船西上妙論可期貴妃所需符子當為應  
副未間善為輔養

三茅君聖像畫畢心伺先生到關專得面付治病佩帶符子

告求數十貼

大觀元年十一月六日

勅劉混康有所上表來春赴關事具悉卿累造宸筵遽乞還  
山兩應歲華每勤馳嚮且聞春初西上深契予懷極思談微  
講妙預當殊慮齋心以伺耳仲遣使人計治舟御許從便道  
飛船安濟宜速辦裝慰此翹渴會晤伊迺尚宜善衛已差入  
內西京左藏庫使殿中省尚輦局典御勾當龍圖天章寶文  
顯模閣黃希叟降勅各卿赴關春寒卿比平安好遣書指不  
多及

歲歲發春順履時宜起處安如陳乞事並依所欲逐一施行  
若自京口而來極便思一見之形于寤寐伺黃希叟到毋必  
稽留可乘春水庶无阻滯有所需關一一奏來區區已具奏  
書茲不多述黃希叟到便可促行  
大觀二年正月五日

勅劉混康卿近嬰微恙已遂痊平計惟保練有方无勞藥餌  
近覽來奏力疾造朝足見勤確不替忠嘉披閱以還良深歎  
獎希叟到日便可飛舸乘此春波安濟西上經過郡邑无爲  
滯留矧伺鶴軒以款清論喧切在序善輔是宜中春卿比年  
安好遣書指不多及  
大觀二年二月十五日

春色晴融仙舟偃息不妨高養浩然之氣良自得也或有所  
需可計會希叟行當會見預已忻快未間尚宜保練爲最  
勅劉混康卿持心澹靜毓德冲和每造楓宸居多啓沃不聞  
名理忽復累歲鄙吝之心生焉申遣使人往趣臆取宜輟白

雲之游來赴紫宸之會其諸旨意已具前詔當體眷想毋復稽留今差入內文思使殿中省尚輦局典御勾當龍圖天章寶文顯模閣黃希叟管押舟船就茅山宣色卿赴闕故茲示諭想宜知悉春暄卿比平安好遣書指不多及

思渴晤言何處如之以日計程四月下旬必達關下春水安流想无阻節途中宜心絕人事日惟東顧以伺將欲入汴宜速奏來未會間尚須善護

贈太中大夫誥

朕惟至德之世无為而萬物化淵靜而百姓定爰率是道納民泰和誠意感通異人皆至眷遇之禮曲盡始終掠真觀妙冲和先生劉混康虛一守真純白自得前知休畝能警羣迷或托呪符克愈衆疾雖身栖林谷而名振京師朕用嘉歎台封間宴屢聞至論深契予心比復造廷燕居琳館了然委化

不約而同靜思所存宜加憫飾太中之秩視諫大夫茲為異  
恩尚期歆享特贈太中大夫

謚靜一誥

勅朕惟曲水之穴北距岱宗南接羅浮證法冊於河圖得嘉  
名於地勝抱道秘境惟昔高人真風未忘前轍具在贈太中  
大夫劉混康出塵累之表以虛靜為宗觀妙幻金之壇葆光  
埋壁之地慕真風於南岳窺奧義於西城衆方有求忽若委  
蛇其頌美謚式昭正一之功庶幾異時益振沖虛之教可特  
賜謚靜一

勅賜元符萬寧宮

尚書省牒江寧府茅山元符萬寧宮 茅山元符觀

牒奉 勅宜改賜元符萬寧宮為頌牒至準 勅故牒

崇寧五年正月 日牒

中大夫守右丞鄧 太中大夫守左丞何 司空右僕射

達元符萬寧宮提舉等官推恩勅命

勅相觀福地肇達祠宮為彼羣黎導迎景貺龍圖閣直學  
士左朝議大夫胡師文等克共迺事逮茲落成嘉汝之勤叙  
進官品若時休命亦既乃心可特授左中散大夫依前職差  
遣宣義郎江東運判喬可特授宣德郎差遣如故承事郎  
知句容縣事鮑慎群特授宣義郎差遣如故右侍禁監江寧  
府排岸高士遷特授左侍禁西頭供奉官高公鼎特授東頭  
供奉官借職張和特授奉職差使葉承特授借職三班差使  
孟忠特授三班借職知縣事鮑慎群免三年磨勘

又列勅

江寧府茅山元符萬寧宮脩蓋潛神菴宇等安排御書牌司  
畢事體非輕下項管勾催促卻役官等可特依此推恩發運

副使劉何興轉一官江寧府通判范希逸興減三年磨勘候  
任滿日特令再任其部役巡檢內殿崇班孫明翼轉一官  
勅賜藏真觀

尚書省牒江寧府藏真觀

故劉澤康墓所見脩道院

牒奉

勅宜特賜藏真觀為額牒至準

勅故牒

大觀二年十一月

日牒

中大夫守左丞余

太師左僕射

宣和封陸簡寂真人誥

朕惟前古高蹈之士名迹不泯而稱号未稱者所以追顯之  
簡寂先生陸脩靜真精內得遺經垂範而脫然超世廬阜  
故隱有祠至今考實定名禮以真人之号非特用褒往躅亦  
俾後之聞風者知道之所在而勉焉可特封丹元真人  
宣和封楊郭許陶五真人誥

勅朕存嬰霄府貯景龍臺瞻三秀之神鄉合九華之妙誨  
欽厥列仙之躅昭茲闡化之功東華二佐司命揚真人積學  
洞微研心合漠得中黃之隱訣受南真之秘傳董司天越之  
疆關恣神靈之要方翻揚於至道宜褒極於隆名庶期沖鑒  
之臨永侈蕃祺之錫可特封洞靈顯化真人

勅三炁隱靈固匪名言之測萬神凝化莫容議擬之求凡褒  
叙於上真實恢張於至道玉臺侍郎郭真人功參十極位列  
九宮含景玉璫已飛行於太極扶華晨蓋爰恣侍於虛皇  
方丕闡於元綱宜致隆於顯号尚期沖格永祐昌圖可特封  
太微葆光真人

勅朕降恣真之王境陟耀景之龍臺爰校曆於元局以濟生  
于下土凡著功於道品咸進位於仙宗上清真人許長史清  
素外融神明內得靈音斐暢密參羣聖之游欵駕超遙高

佐上清之理方流羅于大梵宜崇配於德名庶昭丕佑之臨  
蓋廣无爲之化可特封太元廣德真人

勅紫極涵元雖頌濛於一炁丹臺列籍實摠括於万真凡褒  
位於仙宗蓋恢功於道甫東華侍帝晨上清仙公許真人所  
三神以觀妙疑九緯以挺生北洞告終自適幽人之介東華  
景獨超上相之游雖高謝於母名其敢忘於仁蔭尚期沖浩  
蓋闡元綱可特封混化元一真人

勅朕膺琅霄之景命握龍漢之寶符蓋將敷暢靈音恢隆  
道化闡微言於至教薦休命于列真蓬萊都水監陶隱居振  
迄縈羅濯精華闡神交无累迹雖相於山中誠感夙通賦已  
仙於海上願德名之莫擬豈妙蔭之敢忘尚都顯号之縈永  
亦涵生之祀可特封宗元綱教真人

宣和六年八月三日

太傅楚國公臣徽宣

燕薊關

中書侍郎臣張邦昌奉

中書舍人臣張恣行

奉勅如右牒到奉行

乞封五真人奏劄

臣輒憊愚懃仰瀆宸嚴退省賤庸甘伺朝典竊惟自古  
得道昇真之士先後相承為時宗仰皆以扶世立教為己  
任自三茅真君飛昇之後繼有楊郭二許衆真並於為  
曲精脩上道天真降顧親授秘語上清經教漸降人間  
逮梁宋之際真風泆汨聖道不絕如帶惟陶隱居功扶  
宗教以微言與旨教明道要為天下後世之幸然而三茅  
兄弟頂蒙朝廷褒崇冊封聖位其餘衆真未聞有旌  
異臣愚欲望聖慈特以楊郭許陶衆真並依三茅真君  
例就令仙職加崇美号除列具諸位仙品奏聞外如蒙

俞允乞降瘡旨下有司施行干冒天威取進止

七月日碧落郎凝神殿校籍同知右街道錄院事管轄江寧府王晨觀臣丁安行劄子

寧宗賜号王景溫

王景溫履道清尚操行高潔眷寵三朝服亦禮遇可賜号虛靜真人

寶慶易如剛先生勅牒

尚書省牒 左右街都道錄主管教門公事太一宮都監兼高士易如剛奏么微野人頃在茅山於慶元改元蒙恩召充太一宮高士并都監住持尊任祈禱每藉君相為國愛民靡不昭格越今三十餘年編除道階昨於嘉定六年蒙恩特賜通妙先生續於嘉定十四年得旨降香設醮茅山訖事回奏乞老還山恭奉御筆高士易如剛祈禱有功未應告老宜加

顯錫以重眷留特賜通妙葆真先生今繳連寧宗皇帝御書  
二軸伏望尚書省特頒勅命旌表名山以重祈禱伏候指揮  
寶慶元年七月十四日奉 聖旨特令尚書省出給勅牒奉  
勅宜賜通妙葆真先生牒至準 勅故牒

寶慶元年七月 日牒

理宗金錄投龍玉簡詞

維嘉熙元年歲次丁酉九月己酉朔二十六日甲戌朔天子臣  
昀伏為保延國祚恭祈嗣續敬齋香信祗建沖科命道士二  
十二員於建康府元符萬寧宮啟達靈寶道場一晝二夜  
滿散設醮三百六十名位告盟天地誕集嘉祥謹依舊式詣  
上清宗壇華陽祠天投送金龍玉簡伏望至聖至真鑒茲丹  
悃乞為謄奏上聞九天臣昀伏以元儲虛位未開熊夢之祥  
邊閭分屯尚調席符之戍內欲隆於國本外思請於兵氣仰

惟祖宗積累之難深切朝夕繼承之懼是用肆類上帝徧禱  
名山願垂覆燾之仁宏賜扶持之力得男而應震索茂延百  
世之期偃武而致太平坐庑四方之治保基圖於鞏固措民  
物於救寧祇迓靈休永依大造臣的无任懃禱之至謹言  
淳祐加訂廣濟廟龍神誥

勅敷澤廣應侯惟龍質无體而神无方矧茅山至人所居故  
其吐吞夫丹竈之日月猶足依憑而為靈乎有司上功兩陽曰  
時其潔蓄也實應祭義申祈戾号用侈褒章金陵予蔭都  
其職而幽以服而侯甸之職可特封敷澤廣應利濟侯奉

勅如左牒到奉行

淳祐四年

月 日

淳祐加訂封三茅真君誥

勅朕聞真人馭風騎氣神游八極之表而一念在生靈則猶數  
數然也太元妙道沖虛真君東岳上卿司命神君成道於茅

山登籙於仙府三君之首者也竒驗見于庶代遠近以為司  
命朕為黎元慕尚不已特命有司亟衍嘉号以載欽崇可特  
封太元妙道冲虛聖祐真君東岳上卿司命神君

勅朕聞句曲三峯神君顯甚遂有金壇洞天之名庶代所慕  
尚豈獨於今乎定錄右禁至道冲靜真君脩真得道是謂中  
茅兩陽應禱遠近德之亟命衍号以答鴻休其體朕意益陰  
隲于下民可特封定錄右禁至道冲靜德祐真君

勅朕聞漢武祀神君於禁中其祝甚秘蓋以徼福朕不為也  
三宮保命微妙冲惠真君真風道氣号小茅君祈眚敬事祭  
典褒崇盖非一日矣茲命衍号以昭朕拳拳慕尚之意益  
闋既施以惠生靈可特封三宮保命微妙冲惠仁祐真君

奉 勅如右牒至奉行

淳祐九年三月 日

太傅左丞相魏國公清之

右丞相葵

未上

參知政事孫

權兵部尚書清叟

吏部尚書 關

御賜沉香描金如意一事上獻大茅君白玉圭二面上獻中

茅君小茅君聖像肅執旌節幡幢威儀等一十二件沉香五  
子兩腦子五兩銀一百兩綠錦幡二首各長二丈新茶五十  
三官會十萬緡付茅山崇禛觀

協志大夫保康軍承宣使入內內侍省都知提點佑聖觀張  
左街道錄洞微真應先生佑聖觀虛白齋高士主管教門  
公事司徒師坦上表以臣三年祈禱感應微勞乞回降  
恩命加封三茅真君奏可

大元詔誌

世祖皇帝召蔣宗師詔

上天眷命

皇帝聖旨諭達康路三茅山三十八代宗師蔣宗瑛聞汝年  
高德卽法籙精嚴思接道論今遣使馳驛召赴闕廷仍勅有  
司如法律遣便安執道毋致艱虞故茲詔示想宜知悉

至元十八年二月 日

金籙齋詞

至大三年庚戌歲五月三日

上清大洞經籙无上三洞法師元景真人臣王蒲孟欽奉

皇帝聖旨伏以有國有家祇荷財成之造蓋高生厚敢忘祈

謝之誠緘辭遠叩於名山傲福永延於景運謹請玄教嗣師

提攝江淮荆襄等處道教所事崇文知道玄德真人吳全節

恭奉香幣詣三茅山元符萬寧宮上清宗壇脩建金籙寶齋  
三晝夜滿散祇陳三界衆真清醮三百六十分位伏願覆育  
无私鑒觀有赫天長地久

三宮同康壽之祺兩順風調四海樂雍熙之治

延祐元年甲寅歲五月二十六日

法位如前臣王道孟欽奉

皇帝聖旨伏以惟

天

祖之垂祐有國有家之在躬脩省弥深報祈敢怠感冲科  
茅口集景既於蘿圖諒有欲以必從信无遠而弗届是以謹  
封不幣遣玄教嗣師總攝江淮荆襄等處道教崇文和道玄  
德真人吴全節詣元符萬寧宮上清宗壇命宗師王道孟集  
法師道士一壇脩建福國裕民金籙寶齋三晝夜滿散祇陳

三界衆真清醮三百六十分位伏願

一人有慶萬福攸同兢業无曠庶官臻旣醉鳧鷖之治怡愉  
以奉

太后介未央長樂之春風雨順調民物康阜

延祐五年戊午歲正月五日

上清大洞三景經籙弟子四十五代嗣教宗師元景真人臣

劉大彬欽奉

皇帝聖旨伏以輯寧邦家嗣服倏經於八載欽崇

天道封香爰至於三山當陽春發育之初祈大德生成之廣  
俯俾素悃仰格鴻禧謹遣元成文心中和真人江淮荆襄等  
處道教都提點夏文泳詣三茅山元符万寧宮上清宗壇命  
臣集法師道士一壇備建福國裕民金籙寶齋三晝夜滿散  
祇陳三界衆真清醮三百六十分位伏願

皇天眷命洪範錫疇九族睦而万邦和兵寢刑措六府備而  
三事治地久天長

慈闈永康壽之祺

中間協和平之福慶延

儲位澤被寰區

泰定三年丙寅歲十月十二日

法位同前臣劉大彬欽奉

皇帝聖旨伏以誕膺景命祗紹丕圖保民无疆思永安於宗  
社應

天以實庸昭祀於山川爰致清祠奠徹洪貺謹奉香幣遣  
特進上卿玄教大宗師崇文弘道玄德廣化真人提攝江淮  
荆襄等處道教知集賢院道教事吳全節詣建康路三茅山  
元符万寧宮上清宗壇開建金籙寶齋祈天永命福國裕民

伏望裝雲委監寶祚延長邦家開太平之基

三宮同慶海寓樂雍熙之治萬國咸寧

天曆三年庚午歲正月九日

太上弟子嗣上清高玄大洞經籙四十五代宗師三天法師上  
景真人行九老仙都君卯職臣劉大彬欽奉

皇帝聖旨伏以恭承明命克紹玉圖欽若昊天荷皇天之簡  
眷敬哉有土異率土以久寧爰闡沖科用徵洪貺謹奉香幣  
遣法師舒致祥詣三茅山元符万寧宮上清宗壇脩建金籙  
寶齋三晝夜滿散祗陳三界衆真清醮三百六十分位伏願  
乾坤合德日月齊明海晏河清開八荒之壽域時和歲稔得  
萬國之懽心

延祐加号三君立觀三峯誌

上天眷命

皇帝聖旨靜慕玄風灼觀往事无為曰必刻意繕性而始  
成備身乃真非積行累功而莫就大茅君東岳上卿司命太  
元妙道冲虛聖祐真君竒標矯俗精思集虛一德齋心受籙  
臺西華之秘旨万靈授職開金陵句曲之宗壇丹光千載以  
如新寶氣三峯而弥固發祥肇祀民至于今稱之逢雨寧風  
天之所助順也宜惟作聖允合祐神孔蓋翠旌祀真嚴於司  
命瓊文蕊簡禮爰舉於秩宗假茲聰明佐予平治可賜茅山  
一峯聖祐觀特加封大茅君東岳上卿太元妙道冲虛聖祐  
真應真君主者施行

上天眷命

皇帝聖旨合人心理萬物禮宜順於鬼神達皇極錫庶民機

有稽於陽而大江以東之地句曲為望之宗上樂昇平歲穡  
稔足二茅君定錄右禁至道沖靜德祐真君中峯司命西華  
鍊形作牧審煩擾之非情身得恬澹之要躒鸞導徒項覽  
儼奏於雲中化鶴來歸城郭時看於華表朕方推仁以濟黎  
靈宜妙物以祐民學道受之以神端有宗於李耳望祀不泯  
其福誠深慕於漢文嘉與涵生誕敷景命可賜茅山二峯德  
祐觀特加封二茅君定錄右禁至道沖靜德祐妙應真君  
者施行

上天眷命

皇帝聖旨氣化為神握陰陽而執要物

祇應遇水旱以痛

功茲山之靈以氏為号三茅君三官伊

微妙沖惠仁祐真

君不導引而壽躋純素為真密從蒼以承左右而无間時以  
柔白鶴侍伯仲以遠游倚天之休為民請命道遙容与眼光

景以如新周流常羊蒙福祀而无極肆加褒錫丕應隆平埋  
鼎高峯爰慕軒轅之有道獻金空谷方以光武而不為以赫  
厥靈同歸于治可賜茅山三峯仁祐湘加封三茅君三官  
保命微妙冲惠仁祐神應真君主者

延祐三年七月 日

翰林待制袁桷視草 翰林學士承旨趙孟頫副墨

勅賜崇禧萬壽宮

上天眷命

皇帝聖旨朕派觀山圖夷考仙蹟騁曲林之舊館實和景之  
故居原其建立之初以慶高第弟子及今千載猶想遺風朕  
將益崇神明用著高尚其建康路三茅山崇禧觀可準玄教  
嗣師掌教真人吳全節所請賜号曰崇禧萬壽宮主者施行

延祐六年三月 日